

Ծ Ա Ն Ո Ւ Ց Ո Ւ Մ

Հարգելի պարոն Զուրաբյան,

Հայտնում ենք, որ Ձեր կողմից Վարչական իրավախախտումների վերաբերյալ ՀՀ օրենսգրքի 169.28-րդ հոդվածի 2-րդ մասով նախատեսված առերևույթ վարչական իրավախախտում (սույն հոդվածի 1-ին մասով նախատեսված վարչական տույժի կիրառումից հետո՝ 30 օրվա ընթացքում, հայտարարատուի կողմից հայտարարագիրը չներկայացնելը) կատարելու փաստի առթիվ Բարձրաստիճան պաշտոնատար անձանց էթիկայի հանձնաժողովը (այսուհետ՝ Հանձնաժողով) 2019 թվականի հուլիսի 9-ին կայացրել է Վարչական իրավախախտման վերաբերյալ գործի վարույթ հարուցելու մասին որոշում:

Գործի քննությունը տեղի կունենա 2019 թվականի հուլիսի 23-ին, ժամը 11:00-ին, Հանձնաժողովում, հասցե՝ ք. Երևան, Բաղրամյան պողոտա 24, 3-րդ հարկի դահլիճ, հեռ. 010. 52 46 89:

Առաջարկվում է սույն ծանուցագրում նշված օրը և ժամին անձը հաստատող փաստաթղթով անձամբ կամ լիազոր ներկայացուցչի միջոցով ներկայանալ Հանձնաժողով՝ մասնակցելու գործի քննությանը:

Կից ուղարկվում են՝

1. Վարչական իրավախախտման վերաբերյալ գործի վարույթ հարուցելու մասին 09.07.2019թ. թիվ ՎԻՎ/84/2019 որոշումը.
2. 2019 թվականի հուլիսի 09-ի թիվ Հ/84/2018 արձանագրությունը.
3. Վարչական պատասխանատվության ենթարկվող անձի իրավունքների ու պարտականությունների մասին հուշաթերթիկը:

Առդիր՝ էջ:

**Հանձնաժողովի աշխատակազմի իրավաբանական  
և վարույթների վարչության պետ՝**



**Ս. Պողոսյան**

ԱՐՁԱՆԱԳՐՈՒԹՅՈՒՆ ԹԻՎ Հ/84/2019

ք. Երևան

09 հուլիսի 2019թ.

Ես՝ Բարձրաստիճան պաշտոնատար անձանց էթիկայի հանձնաժողովի (այսուհետ՝ Հանձնաժողով) աշխատակազմի հայտարարագրման վարչության պետ Սվետլանա Հովակիմյանս, ղեկավարվելով Վարչական իրավախախտումների վերաբերյալ ՀՀ օրենսգրքի 169.28-րդ, 254-րդ և 255-րդ հոդվածներով, էլեկտրոնային հայտարարագրերի ռեեստրի տվյալների և ՎԻՎ/54/2018 վարչական գործի ուսումնասիրության արդյունքներով, *պարզեցի*.

Հանձնաժողովի 30.05.2019թ. թիվ ՎԻՎ/54/2019 որոշմամբ՝ ՀՀ Ազգային ժողովի նախկին պատգամավոր Արարատ Անուշավանի Զուրաբյանի կողմից 2019 թվականի պաշտոնեական պարտականությունները դադարեցնելու օրվա դրությամբ առկա գույքի, եկամուտների և փոխկապակցված անձանց հայտարարագիրը (այսուհետ՝ Հայտարարագիր) Բարձրաստիճան պաշտոնատար անձանց էթիկայի հանձնաժողով «Հանրային ծառայության մասին» Հայաստանի Հանրապետության օրենքով սահմանված կարգով չներկայացնելու համար Արարատ Անուշավանի Զուրաբյանի նկատմամբ կիրառվել է «նախազգուշացում» վարչական տույժը:

Հանձնաժողովի 30.05.2019թ. թիվ ՎԻՎ/54/2019 որոշումը Արարատ Անուշավանի Զուրաբյանին առաքվել է 31.05.2019թ.՝ իր կողմից տրամադրված էլեկտրոնային հասցեին ուղարկելու եղանակով, ուղարկվել է նաև թղթային տարբերակով՝ բնակության հասցեով, ինչպես նաև 06.06.2019թ. տեղադրվել է Հայաստանի Հանրապետության ինտերնետային ծանուցումների պաշտոնական կայքում (502536):

Վարչական իրավախախտումների վերաբերյալ ՀՀ օրենսգրքի 169.28-րդ հոդվածի 2-րդ մասին համապատասխան՝ Վարչական իրավախախտումների վերաբերյալ ՀՀ օրենսգրքի 169.28-րդ հոդվածի 1-ին մասով սահմանված տույժի (նախազգուշացում) կիրառումից հետո՝ 30 օրվա ընթացքում, հայտարարագիրը չներկայացնելը առաջացնում է տուգանքի նշանակում՝ սահմանված նվազագույն աշխատավարձի երկուհարյուրապատիկի չափով:

Արարատ Անուշավանի Զուրաբյանը Հանձնաժողովի 30.05.2019թ. թիվ ՎԻՎ/54/2018 վարչական տույժ կիրառելու մասին որոշումը ստանալուց (հանձնված համարվելուց) հետո օրենքով սահմանված 30 օրյա ժամկետում Հանձնաժողով առերևույթ չի ներկայացրել Հայտարարագիրը:

Ելնելով վերոգրյալից՝ հայտնաբերվել են Վարչական իրավախախտումների վերաբերյալ ՀՀ օրենսգրքի 169.28-րդ հոդվածի 2-րդ մասով (սույն հոդվածի 1-ին մասով նախատեսված վարչական տույժի կիրառումից հետո՝ 30 օրվա ընթացքում, հայտարարատուի կողմից հայտարարագիրը չներկայացնելը) նախատեսված առերևույթ իրավախախտման հատկանիշներ:

**Բարձրաստիճան պաշտոնատար անձանց**

**էթիկայի հանձնաժողովի աշխատակազմի**

**հայտարարագրման վարչության պետ**



**Ս. Հովակիմյան**



**ԲԱՐՁՐԱՍՏԻՃԱՆ ՊԱՇՏՈՆԱՏԱՐ ԱՆՁԱՆՑ ԷԹԻԿԱՅԻ  
ՀԱՆՁՆԱԺՈՂՈՎ**

Թիվ ՎԻՎ/84/2018

**Ո Ր Ո Շ ՈՒ Մ**

**ք. Երևան**

**09.07.2019թ.**

**ՎԱՐՉԱԿԱՆ ԻՐԱՎԱԽԱՆՏՄԱՆ ՎԵՐԱԲԵՐՅԱԼ ԳՈՐԾԻ  
ՎԱՐՈՒՅԹ ՀԱՐՈՒՑԵԼՈՒ ՄԱՍԻՆ**

Բարձրաստիճան պաշտոնատար անձանց էթիկայի հանձնաժողովը, մասնակցությամբ՝ Ա. Խուդավերդյանի, Լ. Պետրոսյանի, Ա. Սարգսյանի, Է. Շաթիրյանի (այսուհետ՝ Հանձնաժողով),

իրականացնելով «Հանրային ծառայության մասին» ՀՀ օրենքի 43-րդ և 43.1-ին հոդվածներով Հանձնաժողովին վերապահված գործառույթները,


ՀՀ Ազգային ժողովի նախկին պատգամավոր Արարատ Անուշավանի Զուրաբյանի կողմից 2019 թվականի պաշտոնեական պարտականությունները դադարեցնելու օրվա դրությամբ առկա գույքի, եկամուտների և փոխկապակցված անձանց հայտարարագիրը (այսուհետ՝ Հայտարարագիր) չներկայացնելու համար Վարչական իրավախախտումների վերաբերյալ ՀՀ օրենսգրքի 169.28-րդ հոդվածի 1-ին մասով նախատեսված «նախազգուշացում» վարչական տույժ կիրառելու մասին Հանձնաժողովի 2019 թվականի մայիսի 30-ի թիվ ՎԻՎ/54/2019 որոշումը ստանալուց հետո 30 օրյա ժամկետում Հայտարարագիրը Հանձնաժողով չներկայացնելու հետ կապված հայտնաբերվել է Վարչական իրավախախտումների վերաբերյալ ՀՀ օրենսգրքի 169.28-րդ հոդվածի 2-րդ մասով (սույն հոդվածի 1-ին մասով նախատեսված վարչական տույժի կիրառումից հետո՝ 30 օրվա ընթացքում, հայտարարատուի կողմից հայտարարագիրը չներկայացնելը) նախատեսված առերևույթ իրավախախտման հատկանիշներ:

Իրավախախտման առկայությունը, այն կատարելու փաստական հանգամանքները, առերևույթ վարչական իրավախախտում կատարած անձի մեղավորությունը պարզելու, ինչպես նաև վարչական իրավախախտում կատարած անձին վարչական պատասխանատվության ենթարկելու հարցի քննության համար Հանձնաժողովը, ղեկավարվելով Վարչական իրավախախտումների վերաբերյալ ՀՀ օրենսգրքի 244.17-րդ հոդվածով, «Հանրային ծառայության մասին» Հայաստանի Հանրապետության օրենքի 43-րդ հոդվածի 1-ին մասի 7-րդ կետով և 43.1-ին հոդվածի 5-րդ մասով՝

### Ո Ր Ո Շ Ե Ց

Հարուցել վարչական իրավախախտման վերաբերյալ գործի թիվ ՎԻՎ/84/2019 վարույթը և նշանակել վարչական իրավախախտման վերաբերյալ գործի քննություն, որը տեղի կունենա 2019 թվականի հուլիսի 20-ին, ժամը 11:00-ին, Բարձրաստիճան պաշտոնատար անձանց էթիկայի հանձնաժողովում (հասցե՝ ք. Երևան, Բաղրամյան պողոտա 24, 3-րդ հարկի դահլիճ, հեռ. 010524689):

Հանձնաժողովի անդամներ՝



Ա. Խուդավերդյան

Ա. Սարգսյան

Լ. Պետրոսյան

Է. Շաթիրյան

|    |                                                                                                                                                                                                                                                            |            |           |            |
|----|------------------------------------------------------------------------------------------------------------------------------------------------------------------------------------------------------------------------------------------------------------|------------|-----------|------------|
|    | <p>ՔԱՂՎԱԾՔ ՀԱՅՏԱՐԱՐԱԳՐԵՐԻ ՌԵԵՍՏՐԻՑ ԱՌ 09.07.2019Թ.<br/> ԴՐՈՒԹՅԱՄԲ՝ 2019 ԹՎԱԿԱՆԻ ՊԱՇՏՈՆԵԱԿԱՆ<br/> ՊԱՐՏԱԿԱՆՈՒԹՅՈՒՆՆԵՐԸ ԴԱԴԱՐԵՑՆԵԼՈՒ ՕՐՎԱ ԴՐՈՒԹՅԱՄԲ ԱՌԿԱ<br/> ԳՈՒՅՔԻ, ԵԿԱՄՈՒՏՆԵՐԻ և ՓՈԽԿԱՊԱԿՑՎԱԾ ԱՆՁԱՆՑ<br/> ՀԱՅՏԱՐԱՐԱԳԻՐԸ ՉՆԵՐԿԱՅԱՑՐԱԾ ԱՆՁԱՆՑ ՎԵՐԱԲԵՐՅԱԼ</p> |            |           |            |
|    | Անուն                                                                                                                                                                                                                                                      | Հայրանուն  | Ազգանուն  | Դադարեցում |
| 1. | Արարատ                                                                                                                                                                                                                                                     | Անուշավանի | Զուրաբյան | 14-01-2019 |

**Բարձրաստիճան պաշտոնատար անձանց**

**Էթիկայի հանձնաժողովի**

**հայտարարագրման վարչության պետ**

**Ս.Հովակիմյան**